



<b>Publication</b>	EnGear Pandu	<b>Section / Page</b>	Online	<b>Date</b>	28/10/2021
<b>Headline</b>	Takaful myClick Motor FlexiSaver Khas Untuk Yang Jarang Memandu				

Syarikat Takaful Malaysia Am Berhad (STMAB) melancarkan Takaful myClick Motor FlexiSaver.

Ia merupakan pelan takaful motor flexi pertama negara dengan perlindungan harian Pay As You Drive.

Pengerusi Takaful Malaysia berkata, pelan ini bersesuaian dengan keperluan kewangan serta memberi perlindungan kepada individu yang jarang memandu.

Jelas Datuk Mohammed Hussein lagi, pelan tersebut juga sesuai kepada individu memiliki beberapa kereta dan mahu kan penjimatan lebih terhadap pelan insurans.

“Perlindungan harian Pay As You Drive yang terdapat di bawah pelan ini sangat sesuai dan bermanfaat.

“Kami memberi pelanggan fleksibiliti untuk mengaktifkannya sehari sebelum ingin memandu dan dikenakan bayaran hanya pada hari yang mereka pandu sahaja,” katanya.

Pelancaran Takaful myClick Motor FlexiSaver menandakan komitmen teguh Takaful Malaysia mendorong inovasi produk dan memberikan nilai unggul kepada pelanggan.

Pada masa sama, pengguna mempunyai pilihan membuat keputusan dan hanya membayar perlindungan yang diperlukan sahaja.

Takaful myClick Motor FlexiSaver adalah pelan takaful motor dalam talian menyediakan perlindungan setahun untuk kehilangan atau kerosakan kenderaan.

Perlindungan meliputi kebakaran atau kecurian, kecederaan anggota badan, kematian dan kerosakan harta benda pihak ketiga.

Pelan ini juga menyediakan program bantuan di bahu jalan 24 jam untuk khidmat tunda kerosakan tanpa had dan pembaikan kecil di jalan raya.